

安

愚

齋

集

重刻安愚齋集序

嵩齋校業忠靖夏公集成顧念

國朝人文遠過明代就所知者若蔣天植之棻朱子昭之宣王朗
川之鈇徐遜齋世佐張百川廷祿曾南坡遇唐陳同甫覺民周梔
褐嘉細黎素盦彬楊木盦先鐸張子任學尹左仲基宗植皆得讀
其詩文以爲難能而二百年來湘人能文者獨推徐遜齋及周半
帆先生遜齋文雄奇奔放不可一世棻行者至六十卷之多先生
書味盎然平澹安愉志和而音雅吾嘗以湘人之文遜齋及先生
擅名一時而仲基爲之後勁湘人之詩晚得吳伯翼准李枚生杭
最其傑出者而先生爲之先聲是以湘人語文章之盛無過先生
先生與其弟默耕篤志古學皆仕爲知縣號稱儒吏而先生翛然
塵俗之表年五十以母喪去官遂不復仕用經術講授鄉里而是

時府縣初立書院多求大師耆德爲之都講書幣相屬於庭於是先生之名日盛而文亦日充然有得也君子之學無間窮通得喪其中誠有悵然自足者推而達之於人與所以自淑其身各視其境之所值均之寓也必有得於所寓之外盡人世之所營營無足以累其心而後有以希乎古而蘄至於久遠雖其得志行道極富貴之娛亦豈有加於毫末哉而視人世之殊榮超然無所屑意彼誠有足於其心者也故予於先生之文尤有取重焉始先生之文刻藏其家其孫昌輔徵君謬校又搜得其遺稿若干篇意或先生之所刪削而文固各有意旨可觀仲基嘗爲之審訂以授嵩齋謀更槩行之至是竝以授之梓人蓋先生之文流傳且百年而所存止此詩文小道固若是難哉仲基旣卒吾湘能文之士益衰落矣此又可歎也時光緒八年歲在壬午秋九月郭嵩燾謹序

原刻安愚齋詩文集序

予耳半帆先生名久矣歲辛酉陳臬湘南訪而見之相與議論詩文源流升降發鏘啟秘悉如吾意所欲出益歎先生資之敏學之邃人品之高而名之足副其實也夫詩以言志文以明理無所謂古也自唐試士以排律明取士以制藝於是古詩古文之名士子束髮受書日以趨時爲務名成志遂始盡棄去之摹仿剽竊以希乎古欲以求合乎古難矣先生蚤歲成進士縮邑符數載不得展卽歸里授徒歷主名山講席自其幼就外傳卽已沈酣古籍排闥入諸大家閫奧故其詩詞蘊蓄氣味醇厚上與陶謝相頡頏而其論事之文指陳利害往復曲盡雖陸宣公韓文公蘇文忠公未遑多讓聞先生曾因舟行遇風囊篋所藏悉沒於水日久記憶半就遺忘故卷帙無多然文貴傳不在多况先生精力方強三湘重

湖之波濤壯闊祝融嶽麓之雲霞出沒變化盪其心胸恣其游眺
皆足以助其詠吟後此之著述當益富其造詣必更深且遠矣予
幸得與先生訂交文字間每一披讀愛而不釋因亟促之錢版以
行嗚乎後之讀先生詩文者可以奮然而興矣嘉慶八年八月吳
中韓對序

原刻安愚齋詩文集序

湘陰周半帆先生自爲諸生厭俗學既成進士而歸友教所至益大肆其力於詩古文辭及授官甯朔驅車塞上西北至阿蘭鄯東南至鄂爾多斯紀邊庭風土之異矢戎索綬馭之宜至於河渠之利病賦役之煩重民食之艱辛上方伯之書三蓬之詩讀之爲心惻况先生之躬涖而目擊者歟由先生之言想先生之治催科撫字之間考之上下其不暇計也審矣先生所著曰安愚齋文集其詩工於抒情而文長於論事雖歸田疾首吏治其言切而盡嗟乎此非先生之得爲也世之愚先生者先生固安之使其讀先生之文有槩於中仁人之言利亦普哉先生詩文未遑手自編次晚應衡永觀察之聘舟覆淪於水令子鴻榮鴻琛搜羅散佚得如千篇錄之爲八卷刻以行庶乎能世其家學者道光二十年七月長沙

後學周樹槐序

安愚齋集目錄

卷一

前詠史八首

後詠史七首

送弟澁甫之永順

之澁浦作

澁浦竹枝詞八首

夷陵覽古泝黃牛峽口迴船作歌

送弟澁甫之均州次劉茶川韻

登黃鶴樓

黃鶴樓小飲至暮

荊州送孫石溪南歸

赤壁夜泊

古意

發襄陽

望紫霄峯作

武昌幕中與素人師論文作

陪素人夫子與諸同人泛舟西陵峽訪三游洞四首

梁冲泉先生新任鄂藩子時在武昌學使幕將南歸匆匆謁於旅次感受知之既久傷岐路之多違臨別索詩因申積

悵云爾

遣興

寄懷梁冲泉先生

洞庭舟次

舟中口號

湖上散步夜歸南泉寺

竟陵同劉茶川南歸舟中話別

旅泊

樊口送人作

示家人

詠史三首

黃梅雨二首

擬古

李彩邦自都中歸得弟湜甫手書竝聞劉茶川凶訃

邨居納涼

題戴尉荷露烹茶圖

秋荷

失題五首

三弟雨蒼亡八年矣承方亭五丈許爲立傳賦詩二百五十

字以道意

秋柳

詠史

途中別友

萱草

送張子歸益陽

送友人之官河北

送別

壽鄧方亭六十

邨夜

春日登雨花臺晚眺

予將以謁選入都訪鄢五丈方亭於淶陽山中泊晚留宿敘
別言懷值其誕辰並致稱願之詞云爾

都中贈別長沙太守

卷二

之官甯夏作

次韻孫五石溪見寄之官甯朔之作

蓮草篇

并序

仲秋河上邊風乍起仰視飛雁如雲從西北來渡河南翔至
夕不絕感賦此篇

承天寺西夏斷碑歌

巡視渠工二首

青銅峽三首

塞上絕句十四首

衙退口占二首

望賀蘭山作

青銅峽大禹廟二律

有持山谿春種圖索題上無款識玩之則吾江南農田小景也感而書之

重陽日雙井道中酬楊蓉裳刺史

朔方懷古四首

甯夏採風古體八首

沙灘田

糧草稅

渠工稅

堡渠長

賣兒詞

兩番部

裁絨毯

小蕩子

九月九日蘭州道中懷弟湜甫

題菊花溪

季冬至阿蘭部國王城南勒獄踰山涉磧往返盈旬淒然有
關塞之感焉以詩紀之

口外旅宿述懷

二月偕富治川部郎至鄂爾多斯游牧接獄途次偶成四首
秋日寄滹甫

發甯夏詠懷四首示諸子

山中作

觀釣魚圖二首

題張貞女卷

予授徒石鼓山中衰病相仍時時謝客有人投刺於門謂予
引疾非真以詩曉之因寄陳太史每田孫廣文石溪

題柳莘門松陰課子圖

柳莘門手書大字見贈兼索近稿以詩答之

寄懷福建撫軍汪稼門先生

石鼓山中卽事二首

聞孫白沙先生南歸喜而有賦因寄石溪廣文

予舊有佳筆數枝頃從行篋檢出鋒穎半落矣詩二首

題田鐵舟太守署中菊花六首

江南曲二首

錢武肅王鐵卷歌爲錢氏裔孫某賦

題李鶴坪明府江亭貯月圖

首秋登南嶽祝融峯述懷

題韓鑑湖少室冷松小照

題徐香莊畫梅詩卷八首

送廉訪秦小峴先生還無錫

杪秋寄懷秦小峴廉訪二律

留別史生調梅四首

重登觀山作二首

予所乘馬齒長矣適圍人從平羅市蕃馬歸充補驛額擇其

一備乘以詩紀之

詠懷二首示弟湜甫

王蓬心司馬洞庭落木圖爲劉棻川賦

爲幕賓母題真

上紀觀察四首

壽李明府四首

壽黃太母七十

落葉十首

得歸根二字

詠志五古二首

題鄭節母卷

贈嚴訪清公五百字

遣興八首

卷三

匡衡論

莊子材不材之間論

陶桓公論

衡郡校士錄序

畢莘農咏史詩序

嚶鳴小草序

周氏族譜序

湘陰任氏族譜序

送觀察梁冲泉先生遷廣東臬司序

送廉使秦小峴先生還吳序

送衡永觀察史公柘溪入 覲序

送孫石溪遷潛江教諭序

馮虛齋先生友古堂詩序

應封君七十雙壽序

封君韓旭亭先生七十壽序

懷麓李君七十壽序

辨誣論書後

郴州刺史應君未堂條陳勦匪事宜書後

卷四

上汪方伯稼門先生書

復廉訪秦小峴先生書

再復秦小峴先生書

復廉訪秦小峴先生書

與某書

晉贈朝議大夫李公曉齋墓誌銘

五賢祠記

甯夏重修文廟記

衡州新建文昌魁星樓記

遊衡山祝融峯記

鄭節母傳

槐塘先生傳

傅貞女傳

黃越生傳

先大父玉川公行狀略

先府君太孺人行述

安愚齋集卷一

湘陰周錫溥

詠史八首

卜子居河西文侯親北面大哉鄒魯風胡此衰周運千方既鴻冥
段干亦坏遁苟無希世姿何恥踞堂見秦妝嗟倚市和璞泣三獻
後代無師儒呈身作溫卷

建元盛制作虛名採文儒早聞枚生賢卻枉蒲輪車梁苑無遺老
垂詢以歛歎長卿方蠖屈天子善子虛曩憾不同時同時復何如
折軸由叢輕斷紈非木鋸嗟哉螳斧後已有黃雀顧漢治數文景
家令工計數寢廟鑿堦垣丞相爲隕仆豈知晁氏危竟以智囊誤
察淵非我祥薰社招神怒昔轍今所哀今人轍如故

許侯椒房親去天不盈咫故劍藉殊恩衛霍已前死東第開長安

鶴蓋紛填委次公仰屋悲後至最先起云此如傳舍闖人亦多矣
是時鄆杜間狂名滿人耳

我愛鄭次卿持竿不肯投我愛蔣生徑相過惟羊求道非繻帛貴
名與山川畱母以漆室女而懷魯國憂母以堯舜時而賤巢與由
阿公東渡河追鋒不施幔越付黃羅衣宮車出已晏如何豚犬輩
但戀驚馬棧義爽既參夷誕欽空首難時維豪傑盡炎鼎不終判
方將討伐功自許天人贊神叢假不還奕棋置轉幻軍中青雞讖
道上兜鈴喚失國何足傷傷茲弋者篡阿瞞自嚙矢收后如轉盼
丁零盜牛羊往獄可并桀丈夫生扁落逐鹿說秦漢阮生故途窮

聊興廣武歎

晉世有大人孫登特高妙吞吐天地丹發爲鸞鳳嘯蘇門敞雲樹
可望不可到寶玉醞深山豈希一時耀

逸少起郎署性非耽隱淪靈鳳被文質舒卷由天真累牋止北伐
朝議方紛紜用之安江左蓮之會時屯誓墓爲懷祖卜宅依許詢
翻令謝安石回首東山雲

後詠史七首

往者羣鹿逸七雄起相持志士恥帝秦高義凜鬚眉涇水盟不固
惜哉若連雞維時六國中地猶五倍奇衡人事虛構因弱以致危
祖龍襲餘燄長距從指揮方矜詐力是豈計首功非馳道極燕趙
萬松隱金椎複閣西屬雍初以名王姬宮車碾飛電神鬼相驚疑
盡燔百家言穹鏑嶧首碑思示萬萬古功高德巍巍

漢祖歸未央四顧盡高鳥辟穀託幽閭採芝成綺皓陸生說詩書
馬上爲傾倒尉佗旣蛾伏橐中載瑰寶歸買好時田貽子得稍稍
趙舞揚成削秦歌窮要眇極樂十日更供帳盡鮮薨三萬六千日

優游以忘老

交河春草碧單于旋幕北秋高蕃馬肥單于幕南移狐兔獵不足
弦聲控三垂伊昔長城塹秦人億萬糜賦粟三十鍾僅致一石資
謫戍起閭左飛芻盡黃腴耕夫不供饑紅女不足帷通川周虎落
夜雪天如窳馬嘶溪水鹵人裹金瘡瘵候騎每到雍軍書頻刺閨
咨嗟灞上戲感愴平城圍當時怨武皇窮兵禪姑衍不到狼居胥
烏知王庭遠

祭酒老布衣燕領飛食肉誓令九譯請不事一毫禿西羌敝中國
何止鳴君轂公身懸敵間制變始神速威行信乃明疾機掩奔鹿
喋血康居庭通道月支谷過師若枕席假節安反覆侍子花氍毹
離宮青苜蓿近縣罷防秋大農稀轉穀風沙歲月深濛汜光景促
龍髯攀屢墮雁臣朝不數哲兄既陳菱阿妹如畫燭身縮通侯印

淚落涼州曲生望玉門關華髮何由綠

步出洛城東佳人小垂手陽阿曲未終白日已向西馳車不掩地
百年亦何有卻笑張讓門巧宦事趨走涼州守易得底用換五斗
嗚呼古達人生前一杯酒

朱陽盛炎鼎水火始戰爭草木自矜龍氣若無秋風秋風一已至
蟋蟀最先鳴一鳴江水涸再鳴倚重局小婦理輕素步欄以淚零
豈伊一人悲念此遠戍情未寒思投衣既寒空撫膺常恐凍雲合
邊日曖無精丈夫願玉折不隨蕭艾榮遺榮固良可玉折竟何成
漢網裂中世高安起微芒藉恩與席間人主謬所當三公禮殊絕
更云大賢良親兵取蘭錡大第倂建章如何萬歲後禪位希虞唐
禍基有先兆枝披心已傷有人假神叢五日如枯桑

送弟湜甫之永順

君今此去錦江西子亦迢迢共五溪雙槩乍分千嶂合四山秋雨
夜猿啼

沅水東邊古夜郎詞人舊事已滄桑君行若問今風土可有居民
賽竹王

之漱浦作

邊沙吹面苦撥鷲尙有楊花爲拂堤笛裏西風無鳥度舟中秋雨
一猿啼天光入峽看疑賽石路穿雲覺有梯大酉山前迴首處謝
家詩草昔曾攜

漱浦竹枝詞八首

小姑團花金鳳裝大姑針鎖聲瓊瑤相約鳳凰坡上去斂身齊拜
頓仙娘

蠻花溪上放春晴蠻女垂肩銀作纓纓絡滿身花裏過照儂顏色

十分明

紅橋當門十字排
蠻歌邨笛響相催
絙幡招颭罡風起
知是神巫捉鬼來

百子銀環雙鬢丫
清明三月好芳華
卻看桃李無顏色
簪得牆東地子花

盧峯洞府多仙人
乞雨歸來雲滿身
五月巖龍驚不起
洞中惟有七娘神

蕎花天氣曉相和好
會人家說打鷺
只待年年鷺掌大
大家牛飲醪錢多

江口西風古驛寒
送郎時節蜜花殘
扁舟一去如飛箭
知在辰河第幾灘

冬青幾樹白如霜
又見枝頭蠅子長
箬葉裹身齊上樹
不須春雨

事鱸桑

夷陵覽古泝黃牛峽口迴船作歌

蜀棧峩峩不到天大江爲戶山爲鍵
砰訶下峽數百里勢與元氣爭
此吞夷陵古戍鎮紐壯九龍
酣戰開藩垣循崖遣載行
牒子要駕赤鯉驂元龜邈邈上黃牛
三朝三暮牛依然山之縱橫
妮媼不可以意度上有神鬼騰
蹕空明閒離堆壘後無巨手
至今此地多哀猿昔者陸鎮軍
云是吳西門步闡故營偃殘
月想見鳳凰天墮年阿童小
子真戲劇鷓首聚怪驚夔
續三山徑造節迎刃坐令精
鐵一炬隨飛鉛陋哉建平守
抗疏增守屯武安事往同一
呷不見野燒畱秦痕李流孟
昶競牙爪犄角祇爲賢者先
我記昭邱來賽江訊筵簞是
時風雪暗如海符籙掀簸無
穩眠今來慣見頗覺心眼快
安得劃水逕渡如飛仙歐陽
南遷一夢到長慶舊碣三人鐫

興酣捩柁喬木杪星月下瀨烏尾懸水村山驛白浩浩兩膝高踏
風輪旋呼童取具軟腳酒試將芥蒂爲洗湔下簾支枕清睡足朝
曦已破荆門煙

送弟湜甫之均州次劉茶川韻

客蹤流落似萍花太息吾生豈有涯此去看雲還念爾可能見月
不思家漢南柳色三眠盡均口西風一棹斜買取宜城新醞好中
宵津鼓破寒嗟

登黃鶴樓

雲篆丹鑪劫火沈尙餘樓閣此憑臨乾坤滢滢浮江漢城郭纍纍
闕古今幾處布帆催曉發四山涼雨作秋深嗟子家住瀟湘浦只
隔湖雲一片陰

黃鶴樓小飲至暮

青梅作弄晚鴻前，碧玉枝輕手帶煙。
水闊荆吳供遠眺，夜寒星斗入高眠。
同渠一醉樽中海，從我忘機地上仙。
且欲扣舷江北路，風清月朗不論錢。

荊州送孫石溪南歸

廿載聲相和，有如輪著輞。爾來走天涯，兀兀困塵鞅。
浮萍不自整，汗漫吾安放。昨歲君北行，消息傳髣髴。
倉皇失把袂，尺步杳尋丈。目斷邊鴻飛，傅翼不能兩。
冬杪得書問，欣幸逾束紡。上言久風塵，燕趙餘慨慷。
下言隨幕僚，約我同蓮幌。獻歲採湘蘼，經旬躡巴蟬。
相逢各道然，掬喜到眉顙。袴褶君信佳，芒鞋我差強。
沈牛賽江深，請佩睇漢廣。臨風感橫槩，覽古嗟稅杖。
竭來荆郢暮，瞥見霜雪爽。數起循刀環，具知理烏榜。
此去慕歸休，發機真勇往。巡簷鵲聲噪，候門人語響。
洲白可誅茹，山青聊拾橡。坐膝置文度，畫眉頰張敞。

稻香雪翻匙酒熟雲滄益耐可供著書屋梁時一仰喟余叵故歡
瘡馬立殘仗思家既迢迢念子亦養養底須三語掾要乞五湖長
阮土憐東平杜亭卜西壤千奴緡可算二仲駕相枉綠傳獵時講
紅拋醉中網樹木須十年蠟屐能幾緡對此終茫茫何由慰遐想

赤壁夜泊

讀得寒煙作晚炊渡頭官柳不勝垂賦詩橫槩非吾事對酒當歌
要此時夜月江空飛鵲迴西風秋老片帆遲坐中亦有吹簫客莫
遣嗚嗚感鬢絲

古意

綠藻發方池趺蓋相虧蔽下有千歲藕玲瓏託根蒂朱明耀丹房
願言采其實實成薦君盤不比花時媚物理驕新寵苦樂信所寄
持將比妾心未剖中有意

發襄陽

銅鞮坊門夜不扃，籌車銜尾鱗。風鈴市兒自勸宜，城醞客心先發。
桃林亭，桃花飛花著楊柳，柳老綿薄俱飄零。不繫紫游絡，盪
爲宛轉波中萍。九衢塵高我行晏，古錦一束隨僮丁。纜絲解風柝，
鴛疾藻劍刺水蛟。涎腥劇憐峴首，不忍別懸崖。綠淨玻璃屏，漢皋
一曲展幽盼。明珠三五何娉婷，微波未託淚盈把。坐令局促嚙江
靈，臨風回首浩三歎。吾以二月揚帆，冰漸初解，河腹凍草色記。
泝裙腰青，睢漳南注見鎖紐，袞斜西望通渭涇。長筴牽挽緣斷巖，
雲合不辨來何經。卻從去後想遊歷，夢迴山水餘清冷。興酣起捉
如意舞，百年有若物。寄瓶夕陽天外荆口，成指點行色雙鴉翎。

望紫霄峯作

仙宮霧雨春冥冥，電影欲掣雷車轟。眞武眞人玉蕤纓，空中丹劍

鏗有聲手縮神圖太乙經
攝御百怪祛三彭空山枸杞夜吠鳴
不但河車之紫英我來均口眺崢嶸
三十六巖青繞城望不能至心
歎驚少時學道已粗成
偶然積夢通廣庭羣官召草新宮銘
綺語未盡千劫更忽忽一墮隨飛星
試將尺宅理榛荆伐毛一洗凡骨
腥問神何由息我黥舉酒一酌青山青

武昌幕中與素人師論文作

斯文歷千劫耿如無盡鏡
典彝肇姚姒流別沿歐曾
遞變爲制義嚆矢推成宏
後來更提唱星日交環
緼歸唐最初祖天翻謝飛
矰金陳理繁富積氣摩鯤
鵬諸家各旗鼓峰距何峻
嶒是時面壁士或不隨
召徵息踵向枯木正色鋤
所矜白社三數公碧眼如
秋鷹空中索曹謝味外分
淄澠遂令九軌道劃若齊
鈞繩元風一已遠此散如
廣陵溷穿蒼石破蟻穴九
仞崩孟公誤驚座唐衢或
沾膺

廣眉與半額一笑輕束綾目爲時世妝訛謬相因仍愚子棄衣珠
黠兒剽緘騰芻狗陳一旦銅蛙亂干膝卻觀竟何有唇涸不受罾
於惟作者堂欄楯何由登嗟余識竅啟廿載湘山層凡鉛鍊丹汞
攪步思飛昇終慚一宿覺空復三折肱但餘兩敗簏細字棲凍蠅
如何見蘇採猥以介友朋此道如禪悅聞說那可勝畫佛本非佛
覩此圓光騰使者古元度朗月涵秋澄聞語爲印可知已了三乘
里耳晒皇琴夏蟲疑清冰亮非上池水誰洞五藏癥竹樹交瑣院
絮雲起微蒸坐閱恆河沙欲掬無斗升吾儕事點勘能無感廢興
長恐一曲誤拜起嘲聾丞耳熱爲此歌結習不自懲起看珠斗墮
屋角垂寒稜

陪素人夫子與諸同人泛舟西陵峽訪三遊洞四首

江干曉色捲雙旌裊裊煙林到水清嶺樹幾行分楚塞朝雲一片

出巫城偶同樵響隨松住擬待人稀坐月明看取石泉如鏡影便
應煮茗話三生

片雲深處隱玲瓏幽賞惟應我輩同入峽乍疑凌滌泐探奇兼可
問鴻濛巖空玉女窗前月木落仙人掌上風碑字數行多漫滅剩
看坡老與涪翁

攬勝全憑屐齒幽平生落落數交遊幾編詩草懷長慶無數啼猿
繞峽州十二碛邊雲對影下牢關外雨迴舟籃輿載酒天涯客一
片青山萬古愁

蕭蕭軒檻倚長松欹枕能添午夢濃石氣溟濛三峽雨仙臺清迴
萬山鐘白雲樽酒誰相共元鼎丹砂不易逢他日歸田知有意隨
公九節訪茅龍

梁冲泉先生新任鄂藩予時在武昌學使幕將南歸匆匆謁

於旅次感受知之既久傷歧路之多違臨別贈詩用申積
悵云爾

十載清湘遺愛存重來人見使星尊此邦江漢提南紀從古荆襄
重大藩夜月樓臺諸部掾西門楊柳萬家邨平生好事元亭客羸
馬匆匆載酒樽

鈴閣香清署鼓殘梁園回首別應難天涯有淚揮歧路江水無情
隔一竿黃雀雨昏孤棹晚神鴉風起白波寒符窗後夜推篷處北
斗迢迢獨倚欄

遣興

時客武昌

長笛吹殘鬢有絲十年疏影漢南枝酒醒峽口聞猿處秋老黃州
夢鶴時細雨始知江路永西風不覺客帆遲次山亭畔寒谿近便
擬拈椎問導師

寄懷梁冲泉先生

少無二頃田牙籌自持絜長愧洛陽賈心計工鹽鐵幅巾三十年
望古殊兀兀羹飯引昌陽刀圭可怡悅苦乘薄笨車奔走事齟齬
詎云躡朝景亮以垂寒咽夫子世韋平糞管隨朝謁採訪來湘東
張弛妙無闕墨灑衡山雲風流盛提挈危言上所啟一語善醜茂
講舍開精廬令得習綿蕪末學終望崖短衣聊拂闌太息湖上行
惆悵爲此別是維星孟陬堅冰破寒厥瞻拜下毳門絮帽披晴雪
西門夏施柳旖旎可攀掇百花金井闌漸及熟桃核常恐寸草心
宛轉驚鴟鳩比聞六乘傳奉詔馳南粵銅柱懸斗杓蠻蠻望旌旄
遙知新城埭祖帳多期盞我乃如長竿束急不得掣豈爲兒女仁
奮飛感所切慚無虞詔器盤錯試根節書檄念依劉病聲苦兼越
樊口交屣屨支祁互出沒沈吟暮回首浪對江山絕有如逃虛谷

蛩然想空闊邇來值歲飢蒸芼及藜蕨家書時一來心悸愁手折
長笑東海臣斗水乞車轍頗似漢丈人抱甕徒捐捐緬懷舊時事
悽悽如轉轆岐路臨大行望遠可嗟咄何當訂其頑兩端爲我竭

洞庭舟次

洞庭歸櫂起神鴉稍喜湘山望有涯落木始波妨細雨片帆秋影
帶孤霞蘆肥洲渚漁成市橘足鄉園酒易賒明聽北風人喚渡一
灣清淺是長沙

舟中口號

養鴨闌邊雨洗塵手持樽酒賽湖神江風下水須看客關月中宵
始近人薄暑未拋團扇白輕寒初展袂衣新湘鬢十二雲旗迴輪
與鞭鷁自在身

湖上散步夜歸過南泉寺

黃雲香盡稻花腴隱隱吳歌罷采菱殘葉有聲天宇寂落鴻無際
晚波澄葦煙深岸藏漁艇人語疏林散獵鐘早是上方鐘定後右
肩偏袒問南能

竟陵同劉茶川南歸舟中話別

竟陵西下敝裘單歸路同君別轉難江上暮愁山幾疊天邊雲影
歲將殘孤帆風急隨湘轉白雪風高入郢寒把酒若爲商去住愧
無長策理漁竿

旅泊

雙槩經年問水程漢南回首舊經行幾株風柳兼殘雪隨處飄零
似我情

極浦荒寒雁叫羣霜刀翦水夜初分孤篷晚泊知何處敲枕江聲
不可聞

樊口送人作

吾宗天機深質榦秉脩潔昨來樊口遊共醉南樓月橫江歌管金
屈后談天坐客多心知米價問君君不語我信王掾非真癡人生
六鑿苦顛倒安得如君守枯槁卽今憔悴客中還西風江上愁關
山他日學道能追從與君一訪河上翁

示家人

去歲東南乾十室九未穫平生百本書不直一藜藿踉蹌出門去
輒作數日惡積食兩蹇車返哺亮已薄稍喜今年來元氣起羸弱
歸餘埽門徑如水得返壑親老餘牟區兒嬉弄餅飴昨宵醉頭雨
融液如酥酪安排話團圞莫令感飄泊冬鼎爾能供春鳩我可臞
未須萬錢廚但要一餉樂行當出餘裝待明理蠶箔示君應大笑
覆禪儻可著

詠史三首

東田陪輦半詞臣邸第宏開竝紫宸楊叛一聲歌舞散沾衣惟有
故宮人

丈夫偏作褚淵生賸有西風滿石城記否高軒彈別鶴一秋風景
故人情

十萬樓船白水津野豬酣戰未亡陳君看他日田橫島尙有悲歌
五百人

黃梅雨

銀屏曉氣溼煙煤夢裏鳴鳩喚幾回二十四番花信過一簾疏雨
熟黃梅

故人新雨望徘徊曾記名花驛使來飛絮滿城春草碧此情誰似
賀方回

擬古

蘭露被漢皋豔此春陽女纖手摘明珠羅袂從風舉芳華易惆悵
歧路懷交甫微詞請我佩將以申縞紵感茲高義陳爲君久延伫
精心託微物不在陳歌舞彼美日以遠朝華能幾許願言崇明德
百年以相與

李彩邦自都中歸得弟湜甫手書并聞劉茶川凶計

京國多年別西風一紙書弟兄流落後朋友死生餘暮色浮金井
秋容淡玉除因君問消息愁絕幾沾裾

吾弟春前別經今聽暮笳五陵裘馬地黃酒向誰家二尺孤檠短
三千簡牘賒好從唐舉相富貴幾年華

邨居納涼

雌霓挂新雨招涼滄海東瓜郭浮夏綠榴實裂春紅潤古塞通月

簾疏暑颺風角巾無一事揀字課兒童

十畝青溪畔當時耕鑿深黃雲割秋色金井落商音藤角從支枕
荷花不滿襟乾坤容一笑老著故山林

題戴尉荷露烹茶圖

先生老作淞江尉有如東野居溧陽官曹但飲一杯水手板拄頰
凌青蒼濯枝雨過天氣涼卻辦布襪隨奚囊是時綠荷大如掌波
紋瀲灩瑩方塘科頭箕踞蹋澗石花氣似欲侵衣裳呼童瀉露供
茗事玉椀一勺琉璃光興酣圖畫煩好手點綴尺素如琳琅吾聞
昔人把金錠品茶隴水皆精良竟陵著書亦癡絕強將泉眼分低
昂百年風物劇漏箭誰能芒鞋谷底尋康王曇濟道人選佛場八
公仙醴凝清霜偶持餉客共驚詫此味豈有人間藏覽君斯圖毋
乃是坐覺齒頰流餘香我生潦倒百無用五千文字空堆牀邇來

微陰語苦澀猝然有得心已忘下簾支枕自歎息安得灌頂如瓊漿徑須從君乞一瓊蕭齋臥聽溪風長

秋荷

日暮暝煙生古渡天清明月浩江波芙蓉老盡愁如許欲寄相思柰晚何

失題五首

鵝黃低拂雨如絲少女風微漾鬢絲三徑垂楊飛細雪方牀六尺坐吟詩

遠水鱗鱗綠欲迷夕陽遙與尺帆齊幾番夜雨春江夢風動槐龍杜宇嘯

百棹舫船藉解愁傷春無異古傷秋何當元石三年夢一醉中山白玉鉤

滿院桃花照眼明一窗風雨撲簾旌
武陵人世仙源在湘水湘山
萬古情

尋芳山徑草萋迷萬樹松杉撲面齊
幾度道鄉臺上望夕陽山裏
鷓鴣嘯

三弟兩蒼亡八年矣承方亭五丈許爲立傳賦詩二百五十
字以道意

少時鴻雁行纍纍一家慶持將寸草暉
植此嘉樹竝三弟我叔慈
在座珠玉映伯仁非鳳德不待投蠟競
憶昔麓山遊屬有稿紵贈
雞壇盟長衛駒齒班後鄭君時遙語我
法護最清令詩憐走馬成
色鑿苦李淨方將騰上速豈意挫折橫
終軍纔弱冠衛玠蚤羸病
念我空餘生不得代子敬從茲幾春夏
萬事輕墮甌蕭條狐狸穴
淒絕風雨聽芸甬時一啟跡若手新瑩
蠻牋十樣殘古錦一囊賸

長恐就埋沒編刻心未竟惟君素鍾情眼底閱衰盛尺波悵東瀉
銅山撼西應昨來屢綢繆感歎淚交迸史稱閭巷士驥尾託後乘
成毀古有數風流爾何罄願因君集中歸落見名姓無忘青簡惠
慰此北風勁膏鐙照泉下我弟亦蘇醒因歌代短書激楚不成詠

秋柳

細縷芳煙化作萍相看無復舊青青樽前誰唱屯田曲殘月西風
不忍聽

詠史

五利文成竟伏誅人間何處有蓬壺君王卻起蜚廉觀祠具紛紛
用越巫

途中別友

邨鷄裊殘聲羣飛開如霧依倚風露間夙裝爲我具遙指灘江流

峭帆從此去關月酒醒時相思兩無處

萱草

朝樹忘憂草夕佩不愁木愁亦不可銷憂亦不可卻何況百年間
渾沌自相鑿一身爲漏卮尾閭波溝壑紛紛鑪鼎間何從候朱雀
古之列仙儒內外皆捷鑰肯減可休生養命有中藥

送張子歸益陽

溝水一朝別不知東復西念子三載闊復此同羈栖驚蓬引回颺
零落還相依各有晨昏戀淚墮浮雲滋願言攬子袂解棹及秋時
秋思淒以冽我行轉遲遲子亦搔首歎獨往無招攜強欲畱待我
其如屢愆期周周銜羽飛燕燕影差池匪伊物足感悵別情在茲
捧土塞東流定非身所支爲君作短歌短歌清且悲他時樽酒夕
拊膺當爲誰

送友人之官河北

都門柳棉吹柘黃短歌贊醉紛千觴別來林臥踰一紀舊遊如夢
心慨慷故人袞袞半華轂君亦補吏腰銅章雙鳧北望劇分喜以
手加額眉飛揚昨者瞥遇郡城閣知君休假緣終喪夜深咻匠肝
膈熱傾談覩縷鬣戟張大府起君牒旁午邊馬躩躩仍西疆曉日
三川望滎澤盤車九折臨太行此邦參墟俗且厚九宗著姓古冀
方當時尹鐸首爲邑增壘損戶真木強城垣三版浸不沒豈藉絲
粟爲金湯廉頗虎威思用趙沙陀鴟隊功存唐固知好義有天性
醕風一綫今堯鄉盛朝禮樂軼寶鼎軍道無復循定襄弦歌
自是儒吏事何但勸課敦農桑君前潞河有成效力崇令德期勿
忘挽船未遑折崔朴賜絹曾見袞李章他時我亦躡曉鼓儻得秋
浦鄰河陽贈言饗饗慰行色汾雁已赴西風翔

送別

樽酒送君別候蟲天已秋華鏡照客鬢對影成蕭颯夜分起裝束
曉星猶在樓子來無幾時子去誰與儔雖得展良朝有如聚萍漚
幽心正斷絕玉笛憺以柔我旣不得行又不能子畱挂帆落霞外
孤影搖輕鷗雲深湘浦白水闊蒼梧浮臨風我坐歎獨寤君始愁
薄寒弄餘峭餐寢慎自謀緬惟閒居約使我長悠悠

壽鄆方亭六十

我昔杖策麓山阿蒼煙萬仞凌嵯峨皇娥拊瑟山鬼嘯輕舸下剪
瀟湘波雞壇落落才者七繡螭陷陣如鸛鷺孔融過二公始滿正
平幼少肩相摩當年意氣百不磨願得相依同蒿蘿頽陽西下水
東逝杳如珠散風中荷平生礪何萬事拙樞具作佩隨蹇羸吳關
楚水奮蹴踏只似拙燕無常窠索米未免侏儒笑濫竽終遺候門

訶羨公早歲謝時譽樹瓠之鄉乃無何淶陽山中樂禱羸但有斜
逕通碾渦遺音闇淡追正始古篆詰屈摹光和誌銘斑駁體尤妙
崇執圭邱陳嶸機異時縱觀已縮手况乃十載成蹉跎城南逢公
傾兩蓋學道轉肥頭不憚語酣示我近時筆似去鄭濫聞雅歌華
筵今開第六秩食肉健飯如廉頗從茲編剡到耆艾發篋須汗數
橐駝更聞結習了三昧趺坐自可愈百痼入水光明定怖鴿六時
梵樂教頻伽微生如塵墮曠劫頗藉妙義清心魔便寄此篇爲印
可直恐一粒量恆河明乘春漲相問訊試將偈語參東坡

邨夜

鄰里猶聞夜作聲月中人語幾人行披衣四野露初上彈指西風
秋欲生院靜燐螢開闔影邨深鷺鳴短長更垂垂南畝鴉黃色眼
見甌窶早晚成

春日登雨花臺晚眺

生公說法此高臺春日攜筇埽碧苔野鳥自依空外語山花都向
定中開下方城郭明殘照古寺松楸老劫灰壞甃遺碑憑眺盡更
看暝色隔溪來

予將以謁選入都訪鄢五丈方亭於淶陽山中泊晚畱宿敘

別言懷值其誕辰並致稱願之詞云爾

塵旄附驥強飛鷲曾有嚴詩入杜編載酒重經安石渚幾時同買
廣陵田友朋傷別中年事風雨前期一夜眠更值孤南開令旦壽
眉分喜到賓筵

射策談經術已疏十年隨牒遠方居吾行會及鴛花好此去榮沾
升斗餘元結一官真浪漫達夫身世本樵漁他時望氣君將隱少
假從容著一書

都中贈別長沙太守

長沙送公城北隅春風花雨隨行車當時牽挽惜日晡豈知別垂
十載餘洞庭瀟湘眇愁予以手加額瞻斗樞天旋如磨蟻故迂載
益之望誠區區搗來捧檄遊上都逢公謁 帝承明廬鬢髯如昔
顏不癯爲余五馬立踟躇中秋月華臨九衢瓊樓貝闕環高居城
平風裊漏滴壺天街問字摹清虛良宵易得此會無羨公屢牧州
上腴治平第一河南吳行伏熊軾輻兩朱雅歌緩帶分闔謨地下
蟻虱臣藐諸一邑竚待朝命除上官板召吏索逋書生結習遭挪
揄因人卻恐圓波觚得公一言反我愚不須歧路霑衣襦

安愚齋詩文集卷一終

安愚齋集卷二

湘陰周錫溥半帆著

之官甯夏作

去作秦關吏行隨塞馬蹄天街分昴北地紀入河西鉛槧猶堪把
鸞鳳不礙栖到時邊草色應及晚春齊

聞道沿河戍經流跡未淹儲邊策虞詡繕塞憶蒙恬并稅渠官重
山行鄆尉兼徵徭吾敢貰聊欲霽威嚴

次韻孫五石溪見寄之官甯朝之作

邊邑臥無事清琴聊一揮秋高乘鄆出春晚上河歸野色三城古
軍書五道稀承流宣虎節不假折膠威

君問新秦部腥塵互晦冥河焚三空綠渠柳數條青苑馬通蕃牧
旃裘拜漢庭故應逋客遠移檄草堂靈

女嬃一作行廚供麩白官
音入菱青三聯一作折柳

蓬草篇

己酉六月予自蘭州循中衛回甯通接府檄委勘香山
災山在衛城南八十里而至災所幾百里涉大磧薄暮始
至人馬饑罷出錢易粟芻不得詢之居民則山中故食蓬
草也持示予有沙蓬水蓬綿蓬三種其法入水一沸漉出
之別入水熟以爲羹充日夕餐具多則乾以禦冬予乃知
邊塞間民竟有啖草爲生者命烹以進則腥澀綫不能下
咽而山民終年食此可歎也按蓬卽蒿類見於毛詩爾雅
傳記諸書三蓬卽三種蒿也蒿類如莪蕘耶蒿味甘氣香
者可摘以供蔬然非常食又如博物志所稱一種蓬草子
作飯無異秔米儉歲可接糧而香山民所食之蓬草皆取

根葉茹之未聞有子如稊米也與博物志所記美惡迥別
又今甯郡近河諸堡無此草名稱志亦不載或當年地利
猶厚山民未盡食此抑其地僻遠非採風所及耶予因勸
災目擊斯異以爲雨雹天之常沴而茹草人之奇尼迴車
感愴而韻之名曰蓬草篇用補風土之缺並告其令胡君
息齋俾加振焉亦無可如何之極思也

金城歸來寒始退凌晨飛騎至中衛衛東半壁繞邊牆香山卻出
邊牆背炎風五月雹如雷捧檄行勘香山災路窮崖斷百里許始
見屋角烘煙煤居民迎謁舞相屬我僕已痛車卸軸呼令換米充
一餐山中食草不食粟夜深月黑人奔波太息柰此官供何口道
草名手摩挲逡巡于側那忍訶一種頭垂如羽葆名曰沙蓬出沙
杪一種微窪谷下苗厥名水蓬類萋蒿沙衝水汛蓬生少水激沙

穿蓬見高別有綿蓬葉爪碧入夏軟現兜羅色青裙小婦淪殘冰
三種齋烹待官擇土氣苦腥味苦澀舌本間強嚼不得推案置之
長太息問民啖此經幾秋豈無五種田可緩民言甯夏河爲塞此
山巉嶮懸河外禹時棄地秦時壕偶有人居雜魑魅枯暑戰霜陰
氣涸重霾軋露陽施閉舍南老翁面凍梨知春不知楊柳穉病思
清井澆肺渴雪盡卻飲沙中泥先時父祖營耕壟萬畝斷山山脈
動短苗初茁冰花開又報沙蟲大如蛹官籽委棄如土苴子孫啖
草爲生涯草少人多日一啜饑腸宛轉鳴縱車昨尋薦地西山麓
收放牛羊盼年熟胃可充食皮可衣羸得餘資作稔粥蠶災瞥過
旋成空牧場死骨撐青紅老鴉惡鳴飽狼籍五更往往啼腥風東
家西家淚沾灑回看蓬草嗟獨在謝天再拜乞天慈但願蕪蕪得
長採我聞此語感且吁大哉天地何事無記我南中歲無恙廩困

遮迥如屏障市橋豚酒滿眼酤老饕未饜猶惆悵自從作吏來邊
關邊黎照眼饑羸癩年年濬渠漑河堡渠水不到成河灘巡稍放
閒訖無暇赤手那補地角剗每聞流亡夜輾轉忍竭膏血營炮燔
豈知香山近咫尺性命乃有懸草菅人生九土共覆載不著食籍
良可歎行告爾主發陳廩漏澤一綫回天慳語關藩槩疏所記客
次蕭颺北風厲莫怪我詩多苦聲請官嘗此三蓬羹

仲秋河上邊風乍起仰視飛雁如雲從西北來渡河南翔至
夕不絕感賦此篇

雁門太守食雁多東曠磬石西張羅邊霜八月委蘆草銜呼一一
飛渡河河風卷沙無住脚前隊隨陽後儼漠南雲行斷碧天高老
我荒山白翎鵲

承天寺西夏斷碑歌

藝祖首除藩鎮強虎符合豹中樞藏降王爭執仗下梃逋寇未下
河西羌夏州保忠族內附繼遷假息招叛亡地不過漢一大郡折
箠笞之如犬羊誰遣輿瓢自剖裂坐使神器成皴皴獨能二百六
十載鼎峙夷夏爲雄方先時鬼理慕華俗窄衣野戰歌僥懷文思
起草學士院元卒署字藩臣章九經旣頒科目建頗革鴟響慕鸞
鳳春秋叛人例不舉左右記注無賢良至今草木盡頑獷遮迥但
見黃雲長承天蘭若亦傾圮有石斑駁螭首僵圖書灰滅此獨在
有似任休登明堂惜哉神靈失呵護剝落不足榻硬黃向來郡志
已訛闕何況經今數十霜攤書布席就警校強測踟駐推偏旁一
碑天祐十數字攝提歲月俱渺茫一碑天慶刊者半撰記略識羊
與張銀棺舍利瘞幽闕令我循誦生感愴百年殺人若糜沸八功
德水誰乞將然猶以此誇種落稱壽母后諛今皇南渡宋亦小朝

耳山河牛角沐入杭獨畱一碑笑千古元祐黨籍書奸猖伊川披
髮有先兆儒墨異術同糝糠國家有道四夷守文字要以扶人綱
如此斷跌何足惜覽古一嘯西風長

巡視渠工二首

清明渠上草蒙茸荷畚填薪萬指同官吏行春復行水乘船騎馬
雨恩恩

三旬霖鼓閩春寒粒粒艱辛輟曉餐我與齊民共區宇巡行休作
貴人看

青銅峽三首

牛首山高控上游賀蘭綿亘峙西陲青銅白電重重鎖卻放黃河
出塞流

峽口斜陽一半開中流濁浪走奔雷層冰觸槩堅如石知是崑崙

頂上來

風翦垂楊未放稊
雨肥沙草綠初齊
牧童鞭掣黃塵起
百尾奔羊似馬蹏

塞上絕句十四首

榆塞西風捲地鳴
單于夜獵控弦聲
軍中苜火如星列
傅矢三更盡上城

梁楚功臣一劍除
空餘屠狗佐皇儲
平城曾下閼氏拜
誰與娥姁雪媿書

單于臺畔弭魚旃
尺一遙憑使者傳
十八萬軍宣武節
漢家天子自臨邊

漢家使者大宛還
天馬蒲梢汗血殷
路涉流沙萬餘里
綏人生入玉門關

黃沙爲塞海爲壕一綫飛泉出寶刀秦隴西來無地脈只緣城塹起臨洮

槍纍大幟擁毳毳彩帳蟠螭冒首霞傳得秦王破陣樂主賓開宴向高牙

寇壘山前一戰摧解圍誰似霍公才琵琶妙伎佳人舞娘子軍中教陣來

狼頭大纛掃欃槍雪恥花門起朔方膜拜馬前安葉護論功誰似廣平王

匆匆戰鼓震平涼誰遣要盟狎虎狼榆柳蘭州焚伐盡他時父老泣先皇

金城貴主鳳爲鄉湯沐池開九曲長一片虹梁浮水上單于歌吹入青唐

懸崖一點棧中雲渭涘秦川對掌紋共道水從山下別不知人向隴頭分

虎落分防塞下秋冰堅又戍海西頭西風吹灑三河淚竝入寒漸不肯流

黃雲捲盡出星河屬粟城頭夜按歌一種居延海西月清輝不似漢關多

蓬婆雪嶺鬱孱顏馬上西風送雁還不信金閨千里夢等閒隨月度蕭關

衙退口占二首

不向明時理釣竿三年影組塞雲端屯田古亦關軍實邊粟今猶仰縣官煙火幾家希舊井徵書五府急飛翰晚衙便覺西風厲邊忍滿庭霜露寒

一方民聽徹天高百褶魚鱗小
兔毫敢罷催科矜撫字須知沙塞
異神皋隄繇未起溝中瘠戶版猶攤額外逃
刺史六條威望重阿
予程督寶倉曹

望賀蘭山作

四野皆深積胡爲著此山
玉關春已度積雪尙孱顏

青銅峽大禹廟二律

青銅峽口石爲扉禹穴中
開人跡稀自昔泥橈聞底績
至今雲牖闕朝暉九邊魑魅趨
金鼎五服山龍上袞衣
正是渠工齊畚缶桃花春水萬夫祈

陵谷遷流不可論渠搜故道
貢名存

禹貢渠搜卽今南夏郡漢時有渠搜縣名明禋地

有巖廊古羅拜人瞻蔽冕尊海色西偏分
大漠河聲北折走中原寸陰千載眞堪惜
勉習勤勞報主恩

有持山谿春種圖索題上無款識玩之則吾江南農田小景也感而書此

春田劬山腴引腴旁有溪平疇一鍾水下浸五斗泥泥深草根腐水滿新秧齊農人拖翠雲萬朵分畦萍葉濼濼浮春鋤拍拍啼三載朔方吏農候與此睽陳甲有時圻不稱鍤首攜使君繁華眼長向春風睇覩土愧無術撫景誰能題

我本山中癯有田介陘峴農言雖未習南畝足嘗踐土膏深起鏡泉脈細通筧耕種一已畢終年飽精膳自從通籍後心跡兩違遠既蒙竊祿羞翻令本計舛搔首坐無悰畫本此焉展空堂微雨過老夢晝扉偃如聞二三友訊我歸田晚早晚願豈諧得請我當返呼兒理鄉枌莫待霜露泣

重陽日雙井道中酬楊蓉裳刺史

去年一棧茱萸酒未得相攜載鸞甌書來示我橫城詩玉塞高秋
落君手蒼黃握管色羞作佳處詎敢輕駢拇一官膠轕有底忙坐
惜鵝蜃無由偶搗來捧檄有嚴程白日促夜雞催丑君時袴褶作
急裝余亦幅巾衣短後旅邸驚逢一大笑明日天涯又重九停櫂
飲馬戒曉行五原塞出雙井口盤鵬壓空苦霧逆乳擁漫野腥風
走賸無玉醴發朱顏拚有黃花照衰朽多君詩思猶強豪要余射
埒分棚耦敗意未妨租賦吏豪情那乞蘇杭守披襟且作汗漫遊
明年此會應搔首

朔方懷古四首

衛霍曾經百戰來沿河四郡此先開軍從內府贏糧遠城帶秦關
遺戍回老上故庭深度幕武皇法駕一登臺朔方十策無人識始
信當年主父才

一放提戈起叛亡赫連士馬舊稱強山河半壁分畿輔南北當時
幾帝王黑水宮深依故塞髑髏臺古向斜陽校錐丞土須臾事自
壞堅城萬里長

文皇剖土著降番舊有靈州石碣存持節屢煩神策府防秋時簡
朔方屯一朝臣主頻西顧三輔安危此北門聞說健兒身手好白
頭工部泣王孫

賀蘭山翠曉氤氳美利鹽池自古聞魏國骨驕曾作鎮夏人鐵鶴
更名軍降城未翦天驕盡炎鼎終教王氣分種諤敗亡韓范隕金
縉修好日紛紛

甯夏採風古體八首

余令朔五載矣簿領餘閒與斯民相見問勞爲之宣上
德意慰其疾苦而懲其末流亦吏職宜爾也朔治郡城故

揭郡名於篇著一方風土之會云

沙灘田

我來更吏考治賦無寸長常恐民力絀勸課違其方弭節原上村
父老相迎將舉策誚父老念爾愚不明不見古王制三耕備一荒
李悝漢趙過農政斯精詳節宣事在人自腹爾自量怪底歲比稔
猶然無蓋藏而反累守宰不得充官倉父老拜且語語多情慨慷
自言農家子鋤鋤日日忙此地多硝鹽春潮凝若霜腐根不出土
嘉穀無由生又有河壩地風沙卷雷硯往往萬金產廢爲狐鹿場
黃流況屢徙拆隴如排牆君看數種田猶科見在糧其間可稼處
馬體中毫芒孤莖出蕪穢赤立凍不僵沙灘之所赦隄堰之所障
芸苧之所壅豚酒之所禳上熟畝盈石中熟六斗強最下升與豆
子本安得當腰鑣事未已吏牒紛在堂松花壓朱紐標識森成行

二丁資一兵取足倚芻糧歲收算其贏地利既殫盡百役滋繁與
軍操著空籍賦額懸逃丁撤派事紛挐包貽議沸騰善哉朱笈疏
一字一撫膺自非身木石安得頑無情我朝覃天澤深仁被邊
氓蠲振若山積休養致太平小臣來吏此纔閱五歲星前春豁遊
欠今歲仍減徵巍巍覆載恩守宰親奉行時聞諸父老感泣以縱
橫

渠工稅

黃河富甯夏

諺云天下黃河富甯夏

水利天下無封畛錯如雲利盡十萬區

我朝繼唐漢增置成四渠口以引其源稍以達其餘塉以防其
逸聞以揚其漭正閘置橋閣橫貫爲中樞隄蟻有時穴河沙多積
淤春工歲歲鳩口算年年輸龍見始戒事徵之司馬符十畝三束
棄葦圃紅柳株折色又一籍稅皆準於夫期會清明節土膏始發

舒筮彙集蒼赤邪許窮朝哺程工一月畢十室而九瘠巡工爾何
人官吏清且都我亦同斯役屏營以歎歎念此數年來畚鍤萬指
俱干緡供一擲豈復論錙銖崩激倉卒兒婦仍啼呼積薪嗟不
屬含梗何時紆所以供役者但有瘠與癯日或不再食衣結無完
襦其間頗逃亡饑寒非彼辜古人重地利溝洫有成書利什害亦
什更迭爲乘除借問兩黃鵠反乎與覆乎不見艾山北故道今爲
墟

堡渠長

周禮置六鄉治具何其緡州閩族比鄰一一備官屬漢時鄉亭職
三老最尊宿其他斗食員頗亦資教督自從保甲行無復在齒錄
徒有負弩勞而無僭石祿官亦賤其人人亦恥其役朔方屯戍地
四塞兼水陸一堡置一長渠長爲之副厥初在得人明信堅約束

後來日流失玩傲漫成俗額缺更承充充者半貪黷堡政號殷繁
渠工亦奔轅往往徵調時花名若星簇公庭持手教寄之爲耳目
謂可制吏胥吏反緣爲壑一差蔓十家以次相魚肉卻署逃亡籍
株纍試鞭扑豈知民脂膏狼籍飽其腹邊地本疲瘡 聖恩此亭
毒採新寶廩囤放舊起顛小况又委任之歛散從其出正使坐奸
賊豈足償啼哭更兼絲與粒國計關錢穀坐令百年間積逋不可
復此輩相依倚善幻如轉軸頗能知短長不省顧榮辱木摩木則
然水濟水則覆絲失維者案弓離檠者曲微詞勿復陳比類在君
觸莫待熏灌窮始勘狐鼠獄

賈兒詞

昔聞有林回投壁負嬰孩謂此天屬者千金何爲哉乃知至性恩
不以患難乖顧惟蚩蚩輩自絕其根莖等茲毛裏愛覩以貧自媒

不見買奴婢都向甯郡來小者齒方齠大兒髮覆眉父母牽就市
相望何纍纍借問若干值一緡三歲奇婢價小復異盈盈上頭時
兒啼父不念兒去母不思但云紇干雀從爾好處飛好處定何處
此雛卽長雛鄉夢久應到生小魂萋迷別有市僧徒剽販轉東西
兒身已無蒂兒命當屬誰人家養兒女三五成冠笄綢繆六親誼
珍重百年期其歌有與樂其哭有與悲婚嫁而論財識者爲鄙夷
矧乃棄其身有類貨豚豨啜羹與放麀試以仁理推憶昨爲粥日
有婦老且媿自言身有子典鬻無子遺只今一身在微命懸如絲
回頭賣兒錢撒手風雨馳溫飽能幾許不死仍苦饑未知再來否
惻獨無人攜予旣感斯語已乃喻遣之不聞蚤負厯舍將甘草貽
不聞烏母慈仍有反哺兒微物心尙爾爾當轉自嗤徒令桓山曲
終古爲酸嘶

兩番部

漢皇始開置徙民實新秦遂收四郡地賴此爲本根當時走白羊
依山繕城垣雖云阻一面三面垂在邊號爲隔羌胡羌胡滋蔓延
西北固饒塙種族蝗生蝮自周無上策何論漢以還棄之弱三輔
守之孤外援破完補一倣其勢無瓦全緬維前明日遺事可悲煎
套地何么膺穴此井底天東馳逼環慶西突連罕并此間大河險
蹂躪爲通津莽蜂起肘腋掩兔不及奔時聞出賀蘭殺人潛草間
已復入邨保搜牢無一存爾時疆場吏豈無汗馬勦理國如理絲
哀哉值其勞我朝大一統封域極廣輪自克噶爾丹已滅河朔
屯蒙鄂謂蒙古鄂爾多斯兩番部內屬爲世臣轉借彼死力爲我除荆榛
迄今百許歲膜拜奉一尊平靈數口道明制表閭門詔許通
互市弛禁薄其緡王公大貝勒封爵被國恩主之藩部郎玉節

乘輶軒賞功馭有罪動息必上聞治以中國法人以中國人小臣
備職守目覩想所因自古聖人世分土無分民有如馭驛馬銜策
令其馴又如哺雛鷄七子養則均馴由天子義均由天子仁
美哉此道行萬古無邊塵

栽絨毯

蜀錦濯始成吳蠶浴還稚何如西鄙人畜牧爲耕織側聞古陸原
裘褐皆有事聖人盡物性因土布其利斂皮始周官供毳較精細
大旅設氍毹時用贊殷祭然猶令考工淫巧防其繼漢氏定西域
方物入圖記紫氍紅氍毹百種厨至今資服玩甯人便體氣
甯夏有栽絨毯中最珍異吾嘗稽其法乃古氍毹製工欲操奇贏
增妍出新意經以輭脆旃緯之木綿縑或又朱其組杭產乃最貴
屈蟠龍鳳文花樣四時媚購者動千緡巧宦與豪隸日索日不供

尺幅萬指萃厥用在何許不中衣與被但云園墅勝主人此高會
隱囊帶綺園重褥薦珠翠別有大地衣弓笏肖規制粉袪巨若雲
輦重不易致土木被文繡服妖從此熾不然則人病心其有感疾
五載窮塞垣民瘼多於蝟而身此悠悠頗得衣租稅底將有限供
趁此無窮費寄謝三數公無爲棄營蒯

小蕩子

近代有歌兒其名曰蕩子翻新出色目非優亦非妓不知夫何時
便串作嚆矢郡中產尤多挾技走都市薄俗固其然頽波何所底
公餘集賓僚百戲盛豪侈當筵召之來倭媚齋稚齒巧習內家妝
垂髻釵鳳紫偏諸小紺袖纏背金約指璫璣置正中步搖行且止
老郎抱琵琶對客據搯几玉撥風中挑腕下何奔駛維時瓊席間
橫斜不盈咫嬌喉初引聲延鷺爭注視三聲歌未畢擊節爲鶯起

上客親點籌斜行白團紙曲終索纏頭四座紛填委更鼓夜將闌
主賓情未已或爲連臂歌或如坐部伎翩翩主觴政宛轉接簪履
一樽侑一曲心醉非甘醴耿耿松炬垂峩峩玉山圯我本非解人
隨眾相諾唯擬將紅豆記漫以香奩比豈知聽三終嘔噦逼心髓
先師採詩樂不盡刪淫靡要知作者心雅鄭各有體梨園諸曲本
存真汰其俚豈聞玩侏儒直欲窮猥鄙禁之固無庸狎之良有泚
柰此嗜痴人饑餒著瘡痂將腐鼠嚇鵲以明珠抵徒令兒女嗤
豈惟壯夫恥邊風故清雄立教須正始胡不唱伊涼澆撥畱犁匕
胡不唱隴頭梅花驛邊使我有數篇詩頗合風人旨諷諭雜謠諺
激昂入宮徵惜無好女伶歌向旗亭裏皇琴一嗑然古調嗟已矣

九月九日蘭州道中懷弟湜甫

行色兼秋晚離蹤踈路長河橋一樽酒關塞五重陽戍柳寒無葉

歸鴻遠斷行且當逐黃菊採擷侍餽糧

漠漠大河陰危闌此一臨積風兼雪起關瘴入秋深疲馬星霜抹
微官老病侵茱萸滿愁鬢嗟爾弟兄心

題菊花溪

歲寒惟有竹松知傲吏心情物外姿不柰中庸胡伯始頓令潭水
帳分歧

季冬至阿蘭鄯國王城南勘獄踰山涉積往返盈旬淒然有
關塞之感焉以詩紀之

衙鼓破朝醒匆匆草檄行馬寒嘶遠道官久習邊情野闊河西部
山通微外城憑軒申漢約須遣勃陁平

西去循空磧隨行載襍衣人煙野蕭瑟戍火暮低微近塞山能走

衝巖石慣飛癡首驚問訊前尹到來稀郡西百里皆沙灘起伏不
常人煙絕少惟平羌鎮北

置成
二處

託宿依山下凌晨到賀蘭邊風緣后起巖雪一天寒遠堡飛鴉入

重城立馬看清時不在險攬取桔槔殘山上望甯靈等城如咫尺推陰晦不見

赤木何年種霜花綴短條夕陽纔渡鳥絕徑此通樵地劃中原盡

天橫大漠遙邊牆遺磴在泮泮說前朝赤木口在賀蘭山頂仄僅容車乃甯夏蒙古交界處

明時有邊牆一道今遺跡尚存

白草無人境荒天一使車路盤蝸角迴迹踵兔迹餘野火千靈聚

陰風萬壑嗟迢迢區落外貴種問且渠

國典徵鹽舊家私數收回國以鹽屬供稅牛羊多者為富室席箕平旱海糧策走

春雷霧日腥相雜風沙慘不開牛羊將野色迸入拂廬來地無椰

時稱見蘇廬數其僮奴驅牛羊數羣皆虛前後其人皆聚於廬中

茜席臨溪展旃廬入夜扃冰聲漸輒戶旃廬俗名帳屋戶亦曰帳戶天影卓高

插一窗通天惟頂上漢月看成憶胡笳臥獨聽鄉心正愁絕沙塞晚冥冥
夜分殘月入窗忽驚
沙併落天黑如漆

甌脫賢王地分藩比內臣山根橫睥睨星市接鉤陳羌女馬支色

胡絃邏迤塵開筵觴桐馬風雪坐生春時風雪頗大國王致館招飲款接甚厚

行役歲將晚婆娑不暫閒傳符稽信宿斂板爲惘痕旅夢三邊外

浮名一郭閒戴星吾早發轅下幾人攀郭外商民雜處事涉蒙古令其首首傳質務在平情

稽程益三日矣

山角晚雲收清笳起戍樓使星天外入關月漢時畱輓腳樽堪把

更番吏合休會須裁樂曲畫壁賭涼州

口外旅宿述懷

去日載星行雌辰指戌仲今來白河道冰絲打霧淞刮面風如刀

塵箔困掀弄西口交三極夷番趾錯綜旁延關路城小集稀市鬩

雷聲捲大磧天眼出深縫如乘恆河桴俯仰千劫送就宿得闔廡
積雪冒枌棟四座寒相偎主人色不動伊古單于庭單弦十萬控
衣物仰漢繒天性固蹇縱至今新望閒人猶耐饑凍嗟我隨傳車
清班隔鷓鳳因緣北部尉倖藉天庾俸先時朔方州環帶秦上雍
郡良隸羽林惶勇編義從百年承平會可忘苦樂共令職在勤民
板謁亦徇眾負弩健能勝據鞍老可用關月雄佩韃障煙迴飛鞞
葫蘆裝野泉餘毳弋幽洞坂折數乘險天遠惟罄空閒道塲躓深
徂寒駮瘵重羸糧無宿春索米有新漚永夜復何須薄醪卽清供
內景況虛明尺田可耕種干息養臍溫五靈飽心誦穀應從此辟
飲亦不待痛羸將清晏眠權破文書夢

偕富治川部郎至鄂爾多斯游牧案獄途次偶成四首

共有邊庭役遙憑篤節巡君爲典屬國我亦小行人白日黃蘆晚

西風遠雁春前朝戎馬地曾此絕河津

關外望河塹河深北岸懸野昏雞鹿塞冰合鷓鴣泉戰地空尋壘
洪荒不計年三山斜照入半壁是鄜延

蝸角橫尸處瓊首負弩將笳聲緣欄迴鳥路踏山長筆點春前凍
冠峩微外霜還憑老重舌傳語法三章

帳寒銷不盡歸路已斜曛騎士雙鷗羽奚官萬馬羣邊春迴隴右
關月極秦分老逐西都護橫城看暮雲

秋日寄湜甫

穉雉風靜晚衙清徒倚江皋望遠情載酒烏衣思勝會傳書黃耳
識郵程看莢重九簷偏少夢草池塘句漸成記取湘南聽雨處中
宵依約似彭城

發甯夏詠懷四首示諸子

積雨河關阻尺鱗鄉心誰似宦游人已看邊馬嘶行色更有垂楊
糝去塵莊舄病聲兼越楚田生情緒半君親國恩未報家多難
翹首天涯淚滿巾

衙鼓聲高羽檄催六年宦迹此遭迴一官首鼠成何事四野哀鴻
損吏才治賦陽城餘慷慨哦詩元結愧招徠可憐兩部清笳曲卻
向河橋送我回

邊城春盡曉猶涼振觸歸心逐日忙匹馬去經秦塞遠峭帆從挂
楚雲長胡威有絹充官物陸賈無金作客裝贏得隨行六男子時

五男一孫隨任 繞頭玉照琳瑯

吾衰無復宦情濃板謁朝參意久慵便擬煙霞成痼疾肯將腰膂
試龍鍾好官枉憶羊元保薄祿聊同邵曼容寄語家居老同叔謂

滬甫時滬甫里居 爲余先買蜀山笱

山中作

朝見雲出山暮見雲入山朝暮更出入浮雲不改閒伊余事南畝
結茆此山間苔蘚畫常闕松徑風爲關偶然新雨霽鄰曲過我歡
攜手步移影仰視月在天有酒輒終宵不知何歲年庶幾謝塵縛
從子以安便

觀釣魚圖三首

落落邱樊大隱名當時孔阮配方平上虞江畔垂綸罷便著貂裘
採藥行

柳陌風絲裊麴塵坐看魴鮪咬花頻怪來一曲滄浪古元是江湖
舊散人

曲岸潒梁一水通柳絲風颺釣絲風定知魚鳥忘機處不是桐廬
卽剡中

題張貞女卷

中壘七篇出御府東海以後誰能補有客徵詩節更奇安得手筆
如韓杜吾聞禮經重盟饋厥明贊謁親筭筥不然廟見示有成義
在代禰而體祖又云婚嫁有期日未行以前猶處女塢死女弔衰
服齊既葬而除反其故聖人別嫌有深意以女代婦蓋非古頗聞
此女賢且智吐棄薄俗成創舉女云在室義從親委禽一諾身已
許若令夫天可更移父命亦應回首鼠高謝羣議執愈堅居然奔
喪拜翁嫗當時聞者已驚詫比似芝房玉元圃而況清冰十載餘
履禮之嚴猶履虎世途千里一念差張箴班誠棄如土焦原踵足
那可繼此女至性殆天與南峯先生今宿儒感念亡兒惻新婦賦
詩清激慰幽憂幸爲刪存校宮羽

予授徒石鼓山中衰病相仍時時謝客有人投刺於門謂子

引疾非眞者以詩曉之因寄陳太史每田孫廣文石溪

夢棺得官有何好此心已作焦穀槁紛華百戰知道勝丸彈雙跳
覺身老平生厭事我自知五十投簪計非早幾人漏盡貪行夜不
踴鼓聲眠著曉猥勞輒語肆該嘲豈識羸疾生膚爪漆葉青麩方
術稀葛花紫茸消息杳月食焉能四斗盡手臂長驚半分小投驂
斷鞅不自決畏影逐跡何時了今年孤榜向春開主人一榻爲予
埽因緣上舍分吏俸幸免彈章坐官糞木雁處身材不材委蛇充
腹烏養烏迎秋涼雨開夕陰極目江風卷流潦臥思故人身健在
頗與好事窮幽討尺椀取半我自足丙丹還七君豈少惟應長假
乞銓曹便合伏枕傳鴻寶他時會謁廣成君與汝晞髮三山杪

題柳華門松陰課子圖

韋平起一經傳家盛忠孝謝公不訓兒屢爲夫人誚平生開髮楹

六籍日僻校漂麥我自癡覆瓿人爭笑垂老沉鍾情闢莊憐子少
置膝相勞苦爾父安足效雖然文字緣此外百無好青箱倘可繼
金紫非所要巨耐生理艱書檄走邊徼苦存析薪望頗愧折蓂教
却思老斲輪語淺近聞道甘苦數中存授受安可到先生河東胄
奕葉毛骨肖昨來春雨餘岸幘門屢造纍纍犀角兒揖客禮嫻妙
新書試展誦功欲半袁豹遙知青雲端平步無戲翫君今文學掾
數載官不調卜舍會城西鶴煙裊茶竈深松列如屏花葉皆四照
哦松對佳兒萬事付高嘯人家種木奴千戶竊封號豈如數鱗鱖
嬌小終合抱待養蚪龍姿毋希桃李曜此詩示阿戎以當辟咎詔
柳莘門手書大字見贈兼索近稿以詩答之

君家諫議元和腳遠孫斑斑識錐鑿未論燕瘦與環肥已覺嬋娟
照鸞鶴剡藤數幅卷送來想見豪端走霜鏐更有細札繫蛇蚓乞

我近詩供手摸君懷自有照夜珠

君手書下筆驚人胸有珠之句見贈

何乃希光到

螢燭嗟予修道百無獲頗習卮言窮部略爾時連軫七賢人萬釘

裝帶玉抵鵲帖經溫卷不挂眼麗篆華篇浩盈棗夜深神鬼避鐫

鏡春老鶯花困嘲諛自從塞上隨羽書無復樊南續花萼歸來舊

兩人何處存者雖存類秋籟

謂馮方亭胡樸園皆物故周槐堂楊道園俱抱病

茫茫生死

若浮休忽忽齒髮今衰落蠅鑽故紙今可笑箭穿魯縞力終薄蒸

湘名勝此來游文字夙緣相倚泊食甘土炭子同病書仰屋梁吾

悔作逝當一掃結習空敲枕江風對寥廓他時乞爲寫黃庭此是

還丹萬金藥

寄懷福建撫軍汪稼門先生

湜甫寄我閩中書閒關千里恣恣俱道公風貌述公語令我撫事

增感吁金城歸來五換歲獨往何異逃空虛平生知遇音響絕劔

啄不到衡茆居羨公敷歷半中外猶復咳唾憐樵漁側身東望懷
彼美坐媿報無明月珠 國家全盛四海謐畫戟坐鎮須文儒經
術飾治古亦有安得名實如公符河西大藩繞沙塞記我墨綬聯
鵷鳧向時庶層盡單叟或貰官負嚴民逋自公始至變風尙戶置
水殫庭懸魚上官駟從十減七亭館供張無華腴裁汰冗關抑僥
倖苞苴問饋皆剔除南金崑玉賤如土鶴綾蓉錦稀商車曰惟州
縣親民吏爾賢我知否我誅大農計薄若眉列不遺租吏滋紛挐
陰陽和調霽雨應沙轍下地成菑畬寶鈔紅粟粲盈眼官私百脈
相委輸其初羣驚若東溼積痼一去長眉舒始信至誠所措注似
挾萬壑澆歸墟公今手持七閩節凜然風采傳萬夫景星慶雲天
下見河潤九里無偏枯信臣南陽視上蔡聲迹雖異理不殊遙知
烏石山前石盡球功德銘海隅琉球日本爭摹搨屢曩擁戴山靈

扶嗟千天遠阻聞見但望三階瞻斗樞臨風好爲蒼生祝底用兒
女言嘔嘔詩成寄弟頓首上知公不笑西家愚

石鼓山中卽事二首

桐蕤已老薄寒收點筆危闌水閣頭青草瘴來花事晚

陸放翁志
粵東三月

有青草瘴衡
州間亦有之綠波人去櫓聲柔雨絲風絮撩春恨海角天涯入遠

愁小引離鳩彈不得平安傳與置書郵

步履尋春不自聊研磨花露可憐朝新詩脫手無同調望岫關心

有大僚

閩中大吏屢向浚甫詢
予山中近況並索詩稿

宮院尙傳紅豆譜仙都虛聽白雲

謠鷓鴣啼雨山深處淚灑 龍髯望九霄

聞孫白沙先生南歸喜而有賦因寄石溪廣文

榆關躡客背爲鮐常恐枯萸著死灰海上羝羊新乳後遼東仙鶴

晚歸來蕭條舊業柴桑里慷慨當年虎觀才識面李邕定何日朝

來心眼一時開

四十餘年析紫荆相逢老淚總沾纓春風何意迴蘆管聽雨當時

話薊城

予在都時行溪示其聽雨集詩乃

氣省兄山海關唱和之作故云參佐三間新隱處阿千

一曲古離聲人生此會須珍重好挽頽陽代燭明

予舊有佳筆數枝頃從行篋檢出鋒穎半落矣詩二首

案頭刪述久相從無復干將舊日鋒漢殿簪持空俯仰秦官朝請

罷雍容已休方朔三千牘可要陳遵數百封酌酒中山頻拂拭紙

窗留取伴龍鍾

綠沈香膩小斑紋少日登壇屢策勳池上春酣紅杏雨陣中秋裏

皂鵬雲論賞羞比三錢價入夢猶成五色文莫倚狂鋒輕老禿詞

頭燕許不如君

題田鐵舟太守署中菊花六首

稽帷行處物華融，點綴秋光補化工。
兩色一簾花百本，官齋清景似山中。

山城野色向人秋，羅雀門深駐碧油。
餘俸不能支鶴料，強搗花鼓續遨頭。

盆枝放罷雨鳴廊，翠滑琉璃菊滿房。
五馬試臨高閣望，閒鷗飛過蓼花塘。

三堂無事帶經鋤，拄頰從容簿領餘。
詩骨自清花自瘦，相將空色

悟真如

太守有採菊詩

五嶽平生意向禽，三年臥治感秋深。
巾車廡馬柴桑路，一種黃花萬古心。

看花屢到閣西堂，罨畫屏山引眺長。
我亦園林滋杞菊，半供餐餽半聞香。

江南曲二首

知君去時久憶妾別時顏清鏡對湘娥爲君梳曉鬟
分風鵲尾舟暖葉魚鱗榜不知妾思深但看春潮長

錢武肅王鐵券歌爲錢氏裔孫某賦

文皇鑑人如鑑容凌煙懸照真鸞龍圖成二十三將相爵止實戶
圭桓躬後來漸有鐵券賜制沿開國增修豐乾元寶應上尊號其
時始奠京西東汾陽臨淮兩勳德手柱天關天喪崇朝廷恩倖不
可數雁門河中俱內訌反者輒賜賜者滅一券何止叢百凶倍昭
以後賞尤濫奴堅脅主如兒童餅師階寵藉阿父行瑜怙亂夷其
宗朱梁事往憤填臆先時帶屨河山重篡臣百死豈足贖貽臭鎖
鏤災偷銅吳越故家有錢氏簪履百代餘祖風圖示乾甯舊時物
金版玉冊光燭空想見當年提一旅毬馬玉帶眞英雄卯金折脰

妖鳥殪潮迴羅刹如奔蜂惜哉生值唐末造埽攬落彗無強弓藥
毀偃息待真主天運有屬人謀窮古來虧盈著深誠煌煌謝表存
謙冲日慎一日教孫子敢恃八議撓至公不然唐陵宋宮闕門杜
冶鑪飛無蹤千秋彝器此傳在發洩豈不關鴻蒙海門綠淨山乳
碧尙憶保障先臣功勤思忠孝慎守寶家乘美溢古鼎鐘嗟我豈
無屈鐵筆抖擻老力愁屏慵緜緜展玩再三歎錦鏡金石難爲工

題李鶴坪明府江亭貯月圖

衡州山水郡襟帶紛周遭剖符得茲土鷹騎白鳳邀官書日煩
謁吏牒爭叫號上急溼薪束下灌城狐逃其間爲令者夏畦于桔槔
至日對妻子一笑觴卮醪所以七不堪叔夜儻郎曹面癢性多蝨
正懼不得搔何況魚鳥觀棄之如弁髦清泉析縣治一錦分兩緹
井竿猶萬集魚沸成驚濤自從得君侯不用衙策操坐嘯轅常岸

板謁衣惟褻資其經術深埽彼吏道難卽今百聚落犬足生鬻毛
公暇謝參佐出亦無旗旄石鼓青嶙峋合江古亭舉呼僮熱都梁
並待月一篙江水無窮已河漢年年高今古一回首感歎餘楚騷
韻以黃金微舞以切玉刀颺颺出奇語往往追韓豪侯遊月三四
濟勝憑兩尻父老聲慨息府君貧且勞瞻魄厚無溫江波豈足饜
云何藜藿腹長與清寒麤牽挽索我詩添侯頰上毫

首秋登南嶽祝融峯述懷

我從湘南泝蒸川九面九背看衡山山高瘴空翠墮水路似曉鐘
窺煙爨天門夜開誅蕩蕩夢挾白鹿同往還覺來可望不可到自
笑尻腳眞驚頑蕭齋十旬困炎暑蚊嗜蠅聒百不安臥思飛霜散
峯頂口嚼玉屑津瀾翻呼兒買舟濟江腹蔽茅簳筍相追攀千巖
谿呀石懸澗是日始覺新秋寒屣屣洞舍再投宿木樨深處最旃

檀其上高真之殿宇傍以青玉之封壇圍石爲礎治鐵發維護常
恐衝颺千道人龐眉立招手捫蘿遙語青蒼間云此上古赤精子
崇執絳節朝諸藩有時驂龍自遊戲雷公砰礚雨上天又云山深
柄插斗二隴都從壁上觀若令宿霧少停滯手攫海日如探丸此
語傳聞良已久匆匆歸去眉爲攢雖然崩劣九千丈拾級踴躍如
翹爾遠矚已愁目力盡攬步更苦身形孱人生隴蜀豈全得往往
豐悴來無端遣情不待續鳧脰食味何必知馬肝山水雖饒有天
賦況與蝸角爭觸鬚平生料理初服早卽事自覺老景寬琪花玉
膏容易致遲我九節青琅玕

題韓鑑湖少室峯松小照

嵩山天地中維絡綜兩戒寥寥二室間風雨萬靈會
煇燁啟母石漢唐此封拜榮號豈足加山祇爲噉噫往者少室伯
召署徵夢寐

弟子踵高真，逍遙谷鉤帶。翹仙望仙曲，清角激濤瀨。想當啖松時，
葉盡根不壞。千年脂入土，山犬吠光怪。先生邱壑情，鈴屐謝塵壒。
移將神靈物，供此几案對。玉女窗虛明，半馬澗醜。菱蒼官老虬枝，
古嶺出鳥背。夕綺摘明霞，朝寒洗沆漚。體元磅礴處，了了前期在。
吾聞鎮靈宮，經卷有科誡。合炁忌腥穢，米鹽並捐汰。君今得所師，
一念功百倍。從茲養黃芽，便好駐韶艾。六甲盡供張，行廚可坐待。
斯圖自珍重，慎勿語流輩。何時憩九垓，從君說方外。

題徐香莊畫梅詩卷八首

歲晚官齋雪，又風冬衣不。環酒樽空，惟餘一種清寒骨。摹取乾坤
黯淡工。

天迴雪豔補霜丹，種種高枝出手寒。宦海難除惟熱惱，有人冷眼
對花看。

廿四番風信短長誰將羯鼓判三郎傷情千載樓東賦第一梅仙
老上陽

陌上寒枝羨暖枝吳歌緩緩媚春遲回頭細雨靈鹽道羌笛梅花
出塞時

空際花臺佛果成撒從天女掌中輕根塵結習依然在差誤高人
過去生

草廩人天鶴骨存休誇鼎鼎在朱門枯腸合把寒花蘸一線生香
氣海溫

徐熙妙墨軋諸黃九朽如君更擅場傳得西湖梅格好他年祠配
水仙王

藥苗鑱柄伴歸休未忍披圖當臥遊聞道花繁惟鄧尉與君同買
五湖舟

送廉訪秦小峴先生還無錫

古人已騎箕尾去，今人恩怨紛爾汝。論交誰似元紫芝，榮利場中見眉宇。先生磊落名家子，公望公才繼前武。流將筆底千斛泉，灑作湘南萬家雨。榻來臥疾返初服，江岸統如打五鼓。兒啼婦走了，不聞一舸輕風迅飛羽。人生如寄膏火灼，舊物推排年幾許。吾愛吾廬君入山，兩地相望逸吳楚。尙記春前數歸日，先生執手爲我語。家住常州臨具區，四時陂堰澆桑柘。先人田廬可耕治，敢以山資累明主。此行拍浮五湖脊，便欲誅茅九洞府。懸將下榻期，故人頗有迎門小兒女。堆盤寒具攤盡卷，近局黃鷄話農圃。杞根吠客雲窈深，鷗鷺尋盟水容與。夢醒敏惠感行迹，詩付龜喻待刪補。嗟我豈能果此遊，摩挲鬢髮星如紉。

杪秋寄懷秦小峴廉訪二律

苦爲蒼生禱祀求幙門春候使星流鄒陽右厓纔題簡阮籍東平
已倦遊與子白頭成一瞥喟予黃葉臥深秋清資社甕鄴湘酒漱
灑憑銷萬古愁

盞篋離離束筍苗向來濃墨照生綃祇言樽酒前期在叵耐郵籤
一水遙江轉石頭王濬壘湖通海岸伍胥潮懸知鷗外西風擢滿
眼寒花送六朝

畱別史生調梅四首

十載謝浮名青山薜蘿眼猶有揭書牌虹貫滄江遠辱承君家尊
駐節重推輓用子老馬智眷子萬金產毛骨信殊倫杖屨敢辭懶
臺欄點春緡蛩壁韻秋緩茂對一已深三度歲華晚君技幸粗成
予情念當返商歌一揮手梁塵激回轉毋忘今夕歡杯殘燭花翦
涉春我南鷺

營禹陰惜分寸董餘綜晦明自非曠臯如欲息知無程莫言千里
遠望眼俱崢嶸君當賦長楊奴隸子墨卿我當閑濛汜老著淮南
經

松下不植草上有寄生苗空把獨立心奈此依附牢物理忌遷變
君子慎始交中情苟不亮奚以通媒勞疾毒甘如飴榮華後有芽
惟當味苦口色自鋤其驕企子好音宣慰我白首搔

次山濟時才一第聊逐隊溫公聞喜宴簪花重君惠昔賢始策名
繡亦假擊輓芝鳳不時見見卽天下瑞從竊道彌隆處顯身愈晦
斗印萬釘帶視之若疣贅至今科目人軌躅豔前輩士非長貧賤
豈云苟富貴一朝躡清階長檠照珠翠叔文逵路旁將爲來者愧
今子振翻初樊籠亮非寄

重登峴山作二首

羊公爲郡日置酒此山亭愴然念終古四座皆涕零丹邱不可接
茲山有餘青我亦後來者摩挲石上銘

邊秋曠無極攬策此山阿擬逐黃花去其如衰草何故人同宦迹
相望阻層波憶昨裁詩處登臨感最多

予所乘馬齒長矣適閩人從平羅市蕃馬歸充補驛額擇其
一備乘以詩紀之

唐時監牧半河隴鄯善波斯市龍種八坊色隊錦關新揀刷天閑
印飛鳳肅宗討亂由平涼萬騎雲煙虎旅控遂清三輔收二京葉
護北庭爭導從自從宋人失西陲致令夏國劫蕃貢瘴鄉三等羈
縻網鴛下不足補邊空時艱卻向諸路括病瘵豈惟一方痛乃知
古來用武地士馬俱關國輕重我 朝通譯四萬餘薄海藩籬一
家共故苑陂陀黍彌望鼓車蹇塵駸安用區區官槽棧豆微驛使

上長卷言不集卷之二
三
封駝管迎送趁虛蕃僧互駢集數齒漢廝解調弄平生身輕取路
險老驥蹄脫沙口凍且將舊秣換新鞵未妨赤手馳飛控關月斜
時我倦吟憑渠一續晨鷄夢

詠懷二首示弟浞甫

伊余慕微尚藜迺柱不蕪匣中三錢筆恥換魯寶刀浮名數十載
忽忽見二毛斗酒祝汗邪六藝春不膏造物乃爾虐戲我輪兩尻
回首空咄咄馬體爭一毫曠載淹荆郢自笑官何曹晨風肅塵騎
宵月仰屋敖多虱不在身辛苦爲人搔瞻望漢江流歸心日悒悒
羈棲倦塵鞅鄉味思土銜平生兄弟心斗粟同春簸怪來虛名誤
糞餅不充餓子行躡公車我旅戀殘莖分飛千里遊兩載片帆過
足音蚤可喜萍影聚仍破今宵武昌城可忘對床臥要須寤倉鼠
未可事鞍馱愧無買山錢一意經百挫秋月澹簾櫳樊山青錯磨

離鴻古亦有失馬更應賀長吟一笑開取醉萬事墮惟當晏良辰
火急追逋播

王蓬心司馬洞庭落木圖爲劉茶川賦

我家湘南君在澧衡宇相望洞庭水竭來同食武昌魚畏影卻走
如亡逋離堂置酒君動色征雁已度天南隅蓬心司馬風貌別虎
頭善畫復癡絕爲君劇飲氣淋漓搔首湖天向寥泬秋高萬馬波
蹠空瀕洞不與東流東筆底勁風疾如掃山骨刻削彫龍宮北瞻
大洞渚石齒雲鱗粲可數南盼巴陵洲一堆寒碧爛不收晚煙落
日交奔流百圍老樹搖禿鷺或卷如筋懸若旒或怨長笛撩行舟
登高臨水足惆悵榜人魚子交迴眸其餘瀾漫那復記化身槁木
出真意是時西月傾金盆山鬼呶嚶夜打門湘妃速駕乘風旛百
靈斂手不敢捫嗚呼我觀洞庭元氣浩迴薄看渠大力取藏壑千

古君山渠剗却酒殘燈
暖幽幕彈丸脫手筆不著披圖暗數郵
籤程我與故人俱眼明
何時埽塔騎長鯨

爲幕賓某母題真

先生名德齊范汪十年古劍從奚囊
竭來從事青油幕舉鞭忽忽辭高堂
雙丸一擲如轉瞥長記經行幾時節
複襦著身了不寒當年熨斗猶餘熱
欲歸未歸心咄嗟蒯緱馮老貧無家
故教縑素寫愁絕點綴邨巷紛周遮
可憐相望不相見坐對春暉頻掩面
逝將便乞布帆行不令空有門廬戀
噫嘻乎人生百歲如風湍鷁鬣刻烙
眞可歎君不見虞潭投筆事戎鞍
養堂瑤草青斑斕又不見陳留佳士
茅季偉旦朝作饌餘還度丈夫不得
麾幢守郡州又無負郭田可擾但將
筠管作鋤耒何時鞠脰躬匱牟臨別
摩敦淚沾灑附書區子情蕭颺况君
家山隔淮海子舍流光不相待把酒
澆愁

愁轉多想像慈闈貌應改披圖風雨來遙岑我亦淒涼遊子吟安
陽捧檄非得已西河太守誠何心

上紀觀察四首

簾垂鈴閣曉光融臥治湖山入掌中是處福星占子駿幾年北斗
重韓公黍苗行部千邨雨玉麈論文四座風所愧畢生如井冽身
隨滄海得朝東

朱轡千里畫函開賸有碑刊古釣臺漢水葡萄隨戟繞武昌楊柳
人營栽步殘李白三登處心愧孫陽一顧來數載門牆思往事快
子先覩鳳鸞回

金題壓手樺煙紫十載雕蟲刻未成短鬢似華來有信流年如水
去無聲承眶不瞬慙飛衛擁鼻微吟感洛生烏帽天涯頻載酒可
能燕石一參瓊

經年門下濫竽頻贏得緇帷把卷親長爲弱行搥短策似問當食
感勞薪一冬黍谷常餘暖隔歲辛盤已作春好是文昭園畔路融
風吹徧草如茵

壽李明府四首

綵雲如幄擁高身令旦秋開玉宇華北里豔歌頻送酒南皮清賞
劇浮瓜才資強力年方盛志切飛騰景未斜好是淶江煙柳道一
身歡滿萬人家

隴西勳伐久翩翩杜曲韋南尺五天楊震德因清吏重君之尊入歷在觀察

以清白班彪家有賜書傳頂藏犀角規奇表御託龍門感夙緣少

伯杏圖師君叔父也視學湖南他日一麾騰上速朱轡雲擁正華

年

步履論文載酒隨鳳皇芝草見葳蕤論交浪比公沙穆知我深於

鄧子皮座裏旃檀留竟日江干車馬駐移時王褒門下西州部能
講中和樂職辭

簿領稀疏絕點紛玉鉤簾影淡湘紋天東沆瀣承秋曉暑雨蒲團
坐夜分願曲自慙三度爵著書應乞五千文圖南有便隨飛鳥一
種心期海鶴羣

壽黃太母七十

昔余射策遊 上京天津橋畔開新鷲泥金一捷宴聞喜春雷夜
轉銅鑲鳴 九重朝退步就列韋曲尺五花如醒齋年諸友盡豪
雋猶子齒牒余所兄湘潭黃君雲受爲子會試同譜雋人猶子也劇談咻匪不知倦夜
分款數鄉關盟爲陳家風說母範識度似不從釵荆高蹤欲過孟
德耀名論悅聞辛憲英當年附掌已遙跋延鄉地隔心忤忤今來
岸曠此遊歷日交繩懸星再更不須別採濟尼語故應散朗知神

情洞庭霜曉催綠橙壓槽新碧滄長鬢是時張樂設華帳盤擘麟
脯饅駝羹量沙仙巖籌下七紀候良月旬方盈帑鞞鞠脆浩羅列
躡歌聯臂交迴縈登堂親串舞相屬玉躡百軸溪藤瑩揚推京陵
頌東海光價豈止十賚并我時未至媿虛伫仰對照乘珠連纓何
由比似杜陵老句與八座俱崢嶸卻思古人引年義闕縷百福如
璣璵況今烏衣豔朱棋小亦蠟鳳爭飛鳴行看腰魚發銀袋皂蓋
引掣輪駟輕兩家中表紛照耀仗下競說蘇與程孺人遐壽且未
艾養堂坐待炊青精

落葉十首

得歸根二字

驚秋一葉抱螢飛太息清陰繞檻稀乍逐輕煙浮葦岸忽隨寒雨
到荆扉美人瓊樹憐朝鬢公子西園感夕暉誰識江南庾開府暮
雲惆悵未言歸

平林渺渺淡煙微細雨江頭送雁歸
衰響只隨秋後寂濃陰都向
夜來稀臺空玉鏡憐溫嬌
肢下翬羹憶陸機無限蒼涼
今古意寒山風景一沾衣

水楓山檝雨依依雲樹關心
事事違渭北春殘人去後
淮南秋盡雁來稀閨中紅粉
催刀尺塞上黃沙臥鐵衣
零落滿天愁歲晚何時登覽
一思歸

翠幄修成露葉肥晚來無那影
霏微愁看社燕經秋去怕對
昏鴉帶雨歸漢殿舞殘執扇
月吳宮香冷芡蘿衣年年記
取花時節細柳腰肢學帶圍

渺渺江天入望微憑誰登眺
寫清暉燕城古道寒鴉散梓
澤方園宿鳥歸屐滿青山呼
謝客舟浮明月弔湘妃年年
陵谷關愁思忍向長橋問酒
旂

婆娑芳意不堪論，望盡江南黃葉村。
幾日濃遮芳草徑，祇今愁澹淡煙痕。
寒聲一夜生高館，暮色千家冷故園。
脈脈亭皋迴首處，憑誰牢護到山根。

漫天霜雪影飛翻，幾度呼童埽石根。
曾共花陰紛綺席，乍隨燐火暗荒原。
蕭蕭夜雨空船峽，嫋嫋秋風老樹村。
欲向前朝歌樂府，淒涼無復舊梨園。

漠漠山前載酒尊，百年愁思此中繁。
清秋豔冷芙蓉浦，暮雨聲多薜荔村。
故國衣冠殘杜曲，大梁書劔老夷門。
茂林回首皆陳迹，賸對寒潮有斷根。

葉落秋槐閉院門，空宮遙想駐金根。
可堪絕塞聞征雁，况是寒山聽夜猿。
斜日樓船汾水渡，西風秋草灞陵原。
丹鉛果有仙家事，擬向洲頭種返魂。

夕陽亭北晚煙昏生計支離只斷根三峽風清沈遠塞九江潮起
落寒原枌榆枉過新豐市楊柳愁看白下門五柞上林俱寂寞征
人回首一銷魂

詠志五古二首

鷓鴣從南來闐然嚇羣鴟鯢鵬飛萬里斥鷃輒笑之士亦各有志
誰能苦羈縻偃仰小窗閒天地爲藩籬清琴一撫弄悠然見皇羲
危樓聳百尺託體故不卑但寄阮生狂無妨王掾癡

我愛張子房功成還辟穀我懷李鄴侯遺榮託衡麓持盈有何術
知止乃不辱名畱金鼎鉉居入深山腹往往夏秋間白雲覆茆屋

題鄭節母卷

清閨大節何踈踈二十年前痛阮踈舞鏡照殘鸞鳳粧舊聲彈破
鴛鴦譜刀芒風冷聲淒然可憐纖指隨斷絃百鍊不作柔腸繞西

風珠淚流涓涓淚乾鐵索爲誰寫望夫石上空磨冶熒熒青燈烏
夜啼泣然卻憶黃泉下冰霜幾度歲時節而今兒大孫枝茁杜鵑
染就紅殷殷猶似當時指上血君不見曹家令女曾截耳大義至
今照青史又不見梁媛堂上稱高行引刀割鼻全貞誠古來節烈
多酸心令我揚摧亦傷情

贈廉訪清公五百字

瑞靄五絲承白階六符炳迢迢銀漢闊皎皎仙槎迴維公經世才
初直尙書省信臣科目貴翁歸文武併花驄出禁垣符竹剖榆嶺
流承五郡肅治鄙三明猛高第書賢良皇華著誠鯁虎拜纒北廳
鵬遷復南溟往月屬初吉羣搖聚不逞突竄嘯風聲盤瓠吠月影
使君隨府檄夙駕備邊警袁宏露布工劉晏軍儲整羽飛朝屐挿
刁暗夜還誦購賞排潰離首功抑僥倖振旅疇爵均間俗瘡痍拯

陝陀產密箒煙火完舊井社燕識枌榆溪眠望蒲杏越賈生翠通
壘姬曉變靚

丹宸重衮嘉繡衣此兼領執法漢公卿爲憲周翰屏去時韓鵠謚
歸日參狼靜鉗欽息株連圭組集晨暝三尺民無寃六條吏克秉
暇日惟古歡崇臺覺春永扁刻摹楚金齊詩說匡鼎輜部風宣鐸
士林星望景嗟予託幘幘浪跡悔馳騁中年忝銅墨竊祿類蛙虺
公餘荷歸休事往如夢醒大袞無程式方窵有頑曠衰髮况飄蕭
暑雨作災膏因陳乞假志得遂拂衣請便合狎鷗盟豈敢續鳧脰
但愧老儒冠所學惟土梗故業塵生甌虛名地盡併躍冶良自羞
識荆一何幸感舊惟心傾陳情得首肯山徙太行巉律回黍谷冷
鴝席資江革馬磨起許靖蒸水浦地靈雁峯秀天挺繁露著董帷
貫月浮米艇文章慚報國鋤耒比耕頴鼠壤容有蔬烏擾或餘甍

禮堂釘瓠葉吟榻藉槐癭撫懷乍依依慕德深耿耿弧旦開茲辰
壽星喜見丙松橋還比戶甌窶熟千頃膏澤每瞻邠興歌類和郢
泉分白鶴餘醜擊君山頂頌禱安能詳老禿有毛穎

遣興八首

問字諸生載酒醪造門仙吏擁旌旄文章自播雞林遠不是山人
索價高

嶺雲深處更移居水石檀欒一帶疏三徙陶朱費巨萬祗應私淑
計然書

灑技醫方更鼎鐘文章那與碎金同宮亭湖裏求如願只在青洪
一諾中

泰山弟子稱應邵北郭門人數廖扶經術修明吾道重竹間花外
有行廚

廣陵陽羨大蘇詞西瀛東屯老杜詩安得郝超錢百萬爲子商略
買山資

白首依然面壁勤三元真氣積毫分還憑文武丹爐火點盡凡鉛
繡澀文

天教上壽補蹉跎六十年華未覺多負土移山憑老力精誠應是
感夸娥

逸韻迢遙字勁清先生老筆鳳凰鳴還將新曲教雛鳳待聽歸昌
第一聲